

Minister Arthur Dowers ta habri e “Prome Encuentro cu Bienale” oficialmente

UN publico hopi grandi a acudi siman pasa den Zona Liber na waf di Oranjestad pa presencia e apertura oficial di e “Prome Encuentro cu Bienale”. Minister Arthur Dowers, representando Minister Michelle Hooyboer-Winklaar, kende pa motibonan di trabou ta den exterior, a expresa cu desde un comienzo el a coopera cu e or-

ganisacion pa yega na e Bienale dor di pone e Bibliotecaria Gina Jie Sam Foek na disposicion di e Fundacion.

Awe e ta contento cu den e edificionan aki e mentenan sumamente creativo y profesional di Aruba y di paisnan den region ta topa. Ta importante, pa nos hobenan escolar, tambe bin bishita

e exposicion aki cu ta hiba e titulo di “Happy Islands”.

Minister Dowers a yama un y tur cu a bin di leu p’asina aporta n’e evento aki un Bon-Bini cordial. Despues cu Minister Dowers a habri e porta di e edificio di Zona Liber, e curator renombrado di Instituto Lam di Cuba, hunto cu Alida Martinez y Roly Sint Jago di Fundacion Prome Encuentro Bienale, Alice van

Romondt di Ministerio di Cultura y Greg Peterson, Director di Free Zone N.V., a pasa admira cada un di e instalacionnan y sera conoci cu e artistanan.

E anochi ta uno cu dificilmente por wordo lubida, tanto p’e artistanan como pa publico presente. Minister Dowers y su distinguida esposa Patricia a felicita e organisadornan y a bisa cu nan ta sumamente impresiona cu

locau cu nan a caba di mira. E ta contento cu e regalo cu Free Zone a duna comunidad di arte p’e ocasion aki, despues di 50 aña di restriccion, manera ley ta prescribi. «Ban spera cu e localidad aki por bira algo permanente, manera e deseo ta». Minister Dowers a gradici un y tur cu a coopera pa e Prome Encuentro Bienale por a mira luz di dia y a desea hopi exito pa e simannan venidero.

